

P. 542, L. -5【小乘八萬四千法蘊】《阿毘達磨俱舍論》卷 1〈分別界品 1〉：「牟尼說法蘊，數有八十千；彼體語或名，此色行蘊攝。」(T29,p.6,a29-b1)《俱舍論頌疏記》卷 1：「今詳八十千者。是舉大數。若具足言。乃八十四千也。」(X53,p.398,c13-14)《法華文句記》卷 9〈釋安樂行品〉：「言八萬等者，祇是小乘八萬而已。如《俱舍》云：『牟尼說法蘊，數有八十千』，未關於大。」(T34,p.322, c13-15)

P. 542, L. -3【戰有功、大歡喜】《法華經指掌疏》卷 5：「起種種兵者。喻如來於轉照時中。說三乘法。策勵三乘眾也。三乘之眾。各具智斷之力。對破魔軍。故以而往討伐喻之。先以知苦之力。對破陰魔。次以斷集之力。進破惱魔。後以修道慕滅之力。盡破死魔等。故以兵戰有功喻之。然既諸魔盡破。則權乘可保。而實證可冀。佛心暫慰。故以即大歡喜喻之。隨功賞賜者。喻如來隨其智斷之力。賜以三乘果也。」(X33,p.634, a14-21)【轉照時】三時之中，三時者：1. 日出先照時：為圓頓大根眾生，轉「無上根本法輪」（華嚴、梵網）。2. 日昇轉照時：為下中上三類眾生，轉「從本起末法輪」（阿含、方等、般若）。3. 日沒還照時：為上上根眾生，轉「攝末歸本法輪」（法華、涅槃）。～《賢首五教儀》

P. 543, L. 1【田譬禪定等】法雲《法華義記卷第三》卷 3〈安樂行品〉：「王見兵眾戰有功者。見其人天中修善。善幾發也。稱遂聖意。即大歡喜。隨感為說。或與田宅。明二乘理教。生善為田。為行人栖神名宅。」(T85,p.178,b10-13)《妙法蓮華經文句》卷 9〈釋安樂行品〉：「第五、隨功賞賜者，田即三昧，宅即智慧，聚落初果二果，邑即三果，城即涅槃。」(T34,p.123,b29-c1)

P. 543, L. 2【盡智、無生智】「盡智」：煩惱之染污全部除盡而得之智慧。即由於完全證知四諦之理而得之智慧。亦即於無學位如實知：我已知苦、斷集、證滅、修道，而與漏盡之證得俱生的無漏智。「無生智」：如實知我已知苦，不復當知；我已斷集，不復當斷；我已證滅，不復當證；我已修道，不復當修。～《中華佛教百科全書》《大乘義章》卷 17：「鈍根所得直名盡智。利根所得名為盡智及無生智。何故如是？彼鈍根者。得此智時能盡諸惑。故名盡智。不能保已當結不生。以是義故非無生智。利根所得現盡諸惑。復名盡智。復能保已當結不生。名無生智。」(T44,p.805,c27-p.806,a2)

P. 543, L. 5【髻中明珠】《法華經授手》卷 7：「此喻法華非時不說。非機不演。髻喻權。珠喻實。實為權隱。如珠在髻也。頂上喻極果。出分段生死為小功。出變易生死為大功。」(X32,p.754,c24-p.755,a2)《法華經指掌疏》卷 5：「髻

中明珠。喻法華最上一乘。不以與之。喻從前久默斯要。此隱實也。所以者何等。乃徵釋不與之義。要解云：輪王髻珠。用鎮寶位。妄與則王屬驚怪。法華上乘。佛佛授受。妄說則眾心驚疑。如今經阿難得記。八千新意尚疑。況其餘乎。」(X33,p.634,b1-6)斷見思惑：出分段生死。斷無明惑：出變易生死。

P. 543, L. -4【二修、一性】從一性起二修，以二修顯一性。《觀無量壽佛經疏妙宗鈔》卷3：「體宗用三。別明三法。乃從一性起於二修。體是法身。所顯性也。宗是般若。能顯智也。用是解脫。所起力也。二雖修成。須知本具。一雖是性。全起成修。故非縱橫不可思議。」(T37,p.212,a16-20)卷2：「元知本覺具染惡性。故使迷中一切染惡。當處即是緣、了佛性。以此二修顯於一性。」(p.204,a11-12)卷5：「空假是二修。中觀是一性。修性冥妙。三觀圓融。」(p.221,c27-28)

P. 545, L. 3【圓明如意珠王】《妙法蓮華經文句》卷9〈釋安樂行品〉：「明珠者，明譬中道智，圓譬於常；在頂者，極果所宗，髻中者，實為權所隱，解髻即開權，與珠即顯實。」(T34,p.123,c10-12)圓→法身德，明→般若德，如意珠→解脫德。

P. 545, L. -7【一切世間多怨難信】如前 p. 449〈法師品 10〉：「藥王！此經是諸佛祕要之藏，不可分布，妄授與人；諸佛世尊之所守護，從昔已來，未曾顯說。而此經者，如來現在，猶多怨嫉，況滅度後？」《法華經授手》卷7：「凡聞此經者。普皆成佛。故云至一切智。多怨難信者。謂此經不易說也。多怨。如五千退席。難信。如中下之機。故前謂如來現在猶多怨嫉也。先所未說者。以機未熟故。而今說者。時節成就也。」(X32,p.755,b16-19)《法華經演義》卷4：「何以唯有此經難信難解？故出其意云：此經是諸佛祕要之藏等也。久默斯要。不務速說。最為淵微。故稱為祕。諸有所作。常為一事。乃是宗要。故稱為要。三千性相。百界千如。無不含攝。故稱為藏。唯其是十方三世及我釋迦。一切諸佛。祕要之藏。如來為欲利益一切世間。故而說之。固欲分布。固欲授與。但不可妄為分布。妄為授與。以由此經。既其難信難解。則有智者聞之。自然生乎信解。若無智之人聞之。則未必能信。而生疑起謗。以致墮苦者有之。此則不唯無益。而且有損矣。故不可妄為分布授與也。」(X33,p.186,c6-16)

P. 545, L. -7【先所未說而今說之】《法華經知音》卷5：「謂有此多怨難信故。四十年前不說。今四十年後。佛涅槃時至。眾又清淨。故佛不暇顧怨。亦直得說之也。…諸佛第一之說。然有四種第一：甚深第一…祕密第一…最上第一…不妄說而說第一。…佛一向不妄宣說。而今始說。以法會應成佛之時至也。」(X31,p.436,a4-17)